

Concierto beneficiario na Cas di Cultura

ORANJESTAD- Diasabra ultimo a tuma luga e concierto beneficiario di Cas di Cultura. E concierto aki a wordo organisa pa Carlos Bislip Jr. cu e meta di lanta fondo pa muchanan di scol di musica Rufo Wever por sigui atende les.

Segun informacion ricibi di biblioteca nacional mas trem-

pan den e luna personanan cu a presenta pa publico tabata Vale Croes, Placido Hazel, Rocco Flava y Tommy Lee Halman. Musiconan tabata entre otro Delbert Bernabela (saxofonista), Franklin Granadillo (trompet), Angelo Kock (keyboard), Ivan Quandus (baho), Lidrick Solognier (drum y conga), Moises van de L'Isle (percusion)



Bon Dia Aruba a haya comentario di Paola Bello cu tabata presente na e concierto cu a bisa, cu su persona lo kier wak conciertonan asina wordo haci cu mas frecuencia. Cu segun su persona cosnan asina aki lo yuda huben-

tud hopi. “E prome pida tabata instrumental, e tabata un banda cu tabata consisti di saxofon y base drum. E tabata Fabuloso. Despues Tommy a canta e cancion “all of me” y un cancion di jazz y Rocco Flava a canta wals Rubiano

cu yama cunucu di zuid. Mi cuero a grima. Nan a te hasta haci un rifa y mi a gana un certificado di regalo. Ami ta un di e hende nan ey cu lo bay algo mil biahia y despues bisa tur hende bin tambe,” Bello a comenta. □

